

駢

雅

訓

纂

駢雅卷六上

訓纂十二

明 朱謀瑋 鬱儀

龍巖魏茂林學

釋草

稊程稊黍也

〔廣雅釋草〕稊。稊稊。稊。稊也。〔疏證〕說文云稊稊穀名。〔按〕許君但曰穀名不言何穀。段氏王裁注謂不與稊篆爲伍。則與張說異。玉篇中禾部廣韻二下平聲竝云稊稊稊名。皆本張說。又〔按〕廣雅作稊。而此又云稊黍者。蓋以稊爲黍中之一種。黍中之有稊。猶稷中之有秬。稻中之有秠也。近程氏瑤田九穀考辨黍與梁稷之分甚確。與鬱儀說合。書載學海堂經解五百四十八文不備錄。旁皇二音

藟合黍也

馬牙
禮曲禮下黍曰薺合釋文薺音香合如字或音閭

薺其梁也

又同上梁曰薺其注其辭也釋文其字又作箕同音姬語辭也
王音期期時也

明粢稷米也

又同上稷曰明粢釋文粢音谷一本作明梁古本無此句按此
隋王劭說程氏瑤田取之詳九穀考梁考文不備載

嘉蔬稻也

又同上稻曰嘉蔬注嘉善也稻菰蔬之屬也釋文作疏云本
又作蔬色魚反

豐本韭也

又同上韭曰豐本注豐茂也

彫胡安胡苽米也。

〔周禮〕天官食醫魚宜苽。〔注〕苽彫胡也。〔西京雜記〕卷二苽之有米者長安人謂之彫胡。〔文選〕七發安胡之飯。〔注〕安胡未詳。一曰

安胡彫胡也。宋玉風賦曰爲臣炊彫胡之飯。苽音孤。

降。𦵏胡豆也。

〔廣雅〕釋草胡豆降。𦵏也。胡江所江二切。

巨勝鴻臚胡麻也。

〔神農本草經〕上胡麻一名巨勝。名醫曰一名鴻臚。〔按〕巨勝一作

鉅勝。又作苽勝。〔廣雅〕釋草狗臚鉅勝。〔藤宏〕胡麻也。〔疏證〕列仙傳

關令尹喜與老子俱遊流沙服苽勝實苽與鉅通。

卑留豆也。

〔玉篇〕中豆部。𦵏力周切。𦵏豆也。又𦵏方迷切。𦵏也。〔按〕廣雅釋草

𧄸豆。𧄸豆。𧄸豆也。𧄸字。𧄸字。皆从豆。此作卑。留未詳。沈氏亮曰。齊民要術。二大豆。第六引廣雅。𧄸正作留。卑。留。卽𧄸。𧄸省文耳。

蹲鴟芋也。

〔史記貨殖列傳〕吾聞汶山之下沃野。下有蹲鴟。〔集解〕徐廣曰。古蹲字作踰。〔正義〕蹲鴟芋也。蹲。徂尊切。踰。七倫切。

落蘇茄也。

〔經史證類大全本草菜部下品〕茄子一名落蘇。

象穀米囊。嬰粟也。

〔又米穀部下品〕嬰子粟一名象穀。一名米囊。嬰烏莖切。

幽芥。拉速蕪菁也。

〔方言三〕蕪菁。蕪菁也。趙魏之郊謂之大芥。其小者謂之辛芥。或

合一反

須從葑也。

說文解字第一葑須從也段氏注抑風采葑采菲毛傳曰葑須也釋草曰須葑葑說文葑須從也三家互異而皆不誤葑須爲雙聲葑從爲疊韻單評之爲葑案評之爲葑從單評之爲須案評之爲須從語言之不同也或許所據爾雅與今本異矣按爾雅釋草須葑葑郭云未詳段氏此注深得古人承音作字之指如肉貫弗如豆合黃洵足以通三家之騎訓纂於戴氏方言疏證邵氏爾雅正義王氏廣雅疏證所錄尤多皆深究六書有裨後學者也。釋文須音須本今作須葑方孔反葑音攬具葑芴葑蔓青也。

冥菁，芴菁，蔓菁也。

急就章第十老菁藟荷冬日藏小顏注菁蔓菁也一日冥菁亦
曰蕪菁又曰芴青・芴音勿

蘆葩電葵蘆葩也

爾雅釋草葵蘆葩注葩宜爲葩蘆葩蕪菁屬紫花大根俗呼電
葵正義葩宜爲葩者後漢書注引爾雅作葵蘆葩是爾雅別本
有作蘆葩者矣又俗呼電葵者太平御覽引廣志云蘆葩一名
電葵周密云四川人猶呼爲葵釋文蘆郭音力何反謝力吳反
葩郭音蒲北反電步角反葵孫郭竝他忽反施徒忽反

鴻薺薺也

又同上薺鴻薺注卽薺菜也・羅胡界反薺烏外反

荇蓂馬辛薺也

又同上荇蓂大薺注薺葉細俗呼之曰老薺正義此別薺之異

種也齊民要術引舍人云薺有小故言大薺釋文薺思麻反薺
亡麻反。博雅音析覺。廣雅釋草薺。薺馬辛也。疏證神農本
草云薺薺一名馬辛名醫別錄云一名大薺
游冬苦菜也。

廣雅釋草游冬苦菜也。疏證神農本草云一名茶草一名選名
醫別錄云一名游冬

宜男療愁萱草也。

御覽九百九十六百卉部本草經曰萱一名忘憂一名宜男一
名岐女。按大觀本草及政和本草白字本經內俱無此文孫氏
神農本草經刊本亦不載考御覽引吳普有吳氏本草及吳氏
本草經之目疑此所引乃吳氏本草經文偶脫上二字耳又按
玉篇中艸部薺薺也字竝从艸。述異記卷下薺草一名紫

萱又呼爲忘憂草吳中書生呼爲療愁花・療力照切

將離芍藥也

〔御覽〕九百八十九藥部崔豹古今注曰牛亨問將離別相贈以芍藥何也荅曰芍藥一名將離故將別贈以芍藥按今本古今注問荅釋義第八作芍藥一名可離與御覽所引文異大觀本草八引可離又作何離疑皆傳寫之誤

日精女節周盈朱贏更生陰成女華落牆鞠也

〔說文解字第一〕鞠曰精也似秋華从艸鞠省聲按似段據宋本作以良是神農本草經上鞠華名醫曰一名日精一名女節一名女華一名更生一名周盈一名陰成〔御覽〕九百九十六百卉部菊本草經曰一名陰威一名朱贏〔爾雅釋草〕鞠治牆注今之秋華菊按說文解字第一菊大菊蓬麥从艸刂聲又鞠治

牆也从艸鞠聲與上菊日精之菊分而爲三蓋不以治牆爲秋華之菊說詳段氏玉裁注釋文菊字或作菊又作鞠集韻平聲一落蔣艸名字皆从艸墀墻二音

留夷胡繩薰陸都梁嘉夜迷迭薛無土鹵杜衡揭車芑輿橐茷香草也

楚辭離騷經畦留夷與揭車今王逸注留夷香草也又索胡繩之纚纚王逸注胡繩香草也御覽九百八十二香部魏略

曰大秦出薰陸抱朴子曰倭焚洲在海中薰陸香之所出薰陸香木膠也俞益期賸曰衆香共是一木木膠爲薰陸又廣志

曰都梁出淮南盛宏之荊州記曰都梁縣有小山山水清淺其中生蘭草俗謂蘭爲都梁卽以號縣漢書禮樂志第二俠嘉

夜茝蘭芳注如淳曰嘉夜芳草也御覽九百八十二香部魏

略曰大秦出迷迭。廣志曰迷迭出西海中。

楚辭九歌秋蘭兮

麝蕪。王逸注麝一作麝。洪興祖補注爾雅曰蘄薺麝蕪郭璞云

香草。按蘄與麝通。吳仁傑離騷草木疏一引此麝正作薺。又引

管子地員及本草文並同。爾雅釋草杜土鹵。注杜衡也似葵

而香。按此从張氏刊本與爾雅文合。舊鈔本土鹵作上鹵。洪興

祖楚辭離騷經補注引爾雅亦作上當由版誤未足爲據也。

楚辭離騷經雜杜衡與芳芷。王逸注杜衡芳芷皆香草也。按山

海經二西山經天帝之山有草焉其狀如葵其臭如薺。蕪名曰

杜衡。注香草也。亦作薺。廣雅釋草楚薺杜衡也。離騷草木疏

二爾雅揭車芑。與按今本爾雅釋草作藹車芑。與注藹車香草

釋文藹去謁反。謝起例反郭去謁反。車音居。本多無此字。芑謝

去訖反。沈又虛訖反。與字或作藹。音餘唯郭謝及舍人本同。衆

家並作蔞

〔說文解字第一〕蔞。莧也。輿也。〔錢氏斟詮〕爾雅蔞車莧

輿上林賦作揭車應劭云香草

〔山海經西山經〕臯塗之山有

草焉其狀如橐莢

〔注〕橐莢香草〔箋疏〕按橐莢卽橐本也本莢聲

近義同故此經言橐莢中山經青要之山言橐本郭氏注上林賦云橐本橐莢也

龍仙燕胎麻母柴珠白符龍銜五德三秀芝草也

〔抱朴子內篇仙藥第十一〕

龍仙芝狀如昇龍之相負也以葉爲

鱗其根則如蟠龍服一枚則得千歲矣御覽九百八十六藥部

茅君內傳曰句曲山上有神芝五種第一曰龍仙芝似交龍之

相負服之爲太極仙卿第二曰參成芝赤色有光扣其枝葉如

金石之音折而續之卽如故服之爲太極大夫第三曰燕胎芝

其色紫形如葵葉象如燕欲飛狀光明洞徹服一株拜爲太清

龍虎仙君第四曰夜光芝其色青實正白如李夜視其實如月
光照洞一室服一株爲太清仙官第五曰玉芝色白如玉剖食
拜三官眞正御史也〔抱朴子內篇仙藥第十一〕麻母芝似麻
而莖赤色花紫色〔御覽九百八十六藥部〕抱朴子曰紫珠芝
其莖黃其葉赤其實如李而紫色二十四枚輒相連而垂如貫
珠也〔按〕今本抱朴子麻母芝下接珠芝其花黃其葉赤云云珠
上無紫字此作紫珠疑更爲紫珠之譌〔抱朴子內篇仙藥第
十一〕白符芝高四五尺似梅常以大雪而花季冬而實〔又〕龍
銜芝常以仲春對生三節十二枝下根如坐人〔又〕五德芝狀
似樓殿莖方其葉五色各具而不雜上如偃蓋中常有甘露紫
氣起數尺矣〔楚辭九歌采三秀兮於山間〕王逸注三秀謂芝
草也〔洪興祖補注爾雅茵芝注一歲三華瑞草也〕思元賦云冀

一年之三秀

威喜飛節樊桃木渠參成木芝也

抱朴子內篇仙藥第十二威喜芝夜視有光持之甚滑燒之不然帶之辟兵

又松樹枝三千歲者其皮中有聚脂狀如龍形名曰日飛節芝大者重十斤末服之盡十斤得五百歲也按御覽九百五十三九百八十六引皆無日字疑衍

又樊桃芝其木如昇龍其花葉如丹羅其實如翠鳥高不過五尺以立夏之候伺之得而末服之盡一株得五千歲也參成詳上龍仙注

又木渠芝寄生大木上如蓮花九莖一叢其味甘而辛建木芝實生於都廣其皮如纓蛇其實如鸞鳥此三芝得服之白日

昇天也

馮厨極機中馮草也

爾雅釋草中。𤑔菌。注地蕈也。似蓋。今江東名爲土菌。亦曰𤑔。厨。
• 𤑔音達。菌巨隕切。集韻入聲十。概。櫻。蕈名。的協悉協二切。

雞菌。雞塿也。

升菴文集七十九花木類。蔡氏毛詩名物解引莊子云。雞菌。不知晦朔。今本作朝菌。雞菌。菌如雞冠也。與莊生。胖生於突。義相叶。故雲南名佳菌曰雞塿。鳥飛而斂足。菌形如之。故以雞名。有以也。按升菴。菴林伐山卷六。雞菌條載。埤雅引莊子與名物解同。今埤雅釋蟲。蟋蟀條作朝菌。不作雞菌。又謂集韻。塿土菌也。字當从此。今集韻平聲一。塿。祖叢切。解與稷字同種也。亦不作土菌。解即仁寶七修類藁卷四十六引雲南方言。謂之雞宗。又謂生處蟻聚叢之。當作蟻從潘之恒。廣菌譜。雞塿。蕈出雲南作。

此堦字通雅四十二植物類作雞塿又謂堦當作莢字多互異解亦不同竝存備攷廣菌譜見陶珽續說郛弓第四十一箭此木耳也

〔說文解字第一〕蕒木耳也从艸與聲一曰蒨蒨〔段氏注〕未聞說文亦無蒨字集韻九聲蒨勇主切蒨蒨木耳是謂蕒之一名也
• 蒨音蔣氏疾移二切蕒音軟

月爾紫菜也

〔爾雅釋草〕蒨月爾〔注〕卽紫菜也似蕨可食・蒨音其
蒨縷紫蕒也

〔又同上〕蒨縷〔注〕今蒨縷也或曰雞腸草〔正義〕本草別錄有蒨蕒陶注云此菜人以作羹唐本注云此草卽是雞腸也生濕地坑渠之間俗流通謂雞腸雅士總名蒨縷〔釋文〕蒨字或作蒨謝

先老反沈施所留反本草呼爲繫縷繫音煩縷字亦作縷力主反

遊胡菴間旁勃彭敦蒿也

〔毛詩〕草木鳥獸蟲魚疏于以采繫繫幡蒿凡艾白色爲幡蒿今白蒿春始生及秋香美可生食又可蒸食一名游胡北海人謂之旁勃故大戴禮夏小正傳云繫游胡游胡旁勃也〔按〕繫幡蒿釋草文今本夏小正傳作繫由胡由胡者繫母也繫母者旁勃也〔史記〕司馬相如列傳菴蒿軒芋〔集解〕漢書音義曰奄菴蒿也〔索隱〕郭璞云菴蒿子可療病也〔按〕漢書作奄閭張揖注曰奄閭蒿也子可治疾〔御覽〕九百九十七百卉部神仙服食經曰十一月採彭勃彭勃白蒿也〔按〕廣雅釋草疏證引此文勃作敦尾魯觚盧也

文選子虛賦蓮藕觚盧注張晏曰觚盧扈魯也
茱萸土瓜也

爾雅釋草茱萸注卽土瓜也・匪物二音
與渠胡葷也

翻譯名義集六什物篇第三十七興渠此方相傳爲芸臺者非
也此是樹汁似桃膠西國取之以置食中今阿魏是也又葷辛
葷而非辛阿魏是也辛而非葷薑芥是也是葷復是辛五辛是
也梵網經云不得食五辛言五辛者一葱二薤三韭四蒜五興
渠按據此則阿魏不得在五辛之列興渠非阿魏明矣仍當以
爲芸臺者爲是

諸柘都蔗也

文選子虛賦諸柘巴苴注張揖曰諸柘甘柘也按史記司馬相

如傳諸柘作諸蔗齊民要術十按書傳曰或爲芊蔗或芊蔗或
邯鄲或甘蔗或都蔗所在不同

蕨攢水栗蒨也

爾雅釋草蒨蒨攢注蒨今水中菱釋文蒨字又作菱今作蒨攢
亡悲反孫居郡反又居羣反字林云楚人名蒨曰菱西陽雜
俎卷十九菱一名水栗

澤芝芙蓉也

御覽九百九十九百卉部古今注曰芙蓉一名荷花生池澤中
一名澤芝按今本古今注澤芝作水芝毛氏詩疏廣要上引與
御覽同

拘羅過羅皋蘆苦茗也

又九百九十八百卉部南越志曰龍川縣有皇蘆草葉似茗味

苦澁土人以爲飲今南海謂爲過羅或曰拘羅

女青拔龍葛也

又九百九十五百卉部廣雅曰女青葛也。釋草文詳下烏葛。
注爾雅釋草拔龍葛注似葛蔓生有節江東呼爲龍尾亦謂
之虎葛按疏及正義竝謂拔一名龍葛則不以拔龍爲葛名
扶留諸慮山梟藤也

文選吳都賦東風扶留劉淵林注扶留藤也緣木而生味辛可
食爾雅釋木諸慮山梟注今江東呼梟爲藤似葛而龐大釋
文諸慮如字施力積反字又作攬力余反梟字或作梟音誅力
水反下同

烏薩莢也

詩碩人葭莢揭揭傳莢蘗也釋文蘗五患反江東呼之烏薩莢

音邱

龍修龍須也。

〔山海經中山經〕賈超之山其中多龍。修。〔注〕龍須也似莞而細生山石穴中莖倒垂可以爲席。

唐蒙赤網菟纍女蘿也。

〔爾雅釋草〕唐蒙女蘿女蘿菟絲。〔正義〕詩疏引舍人云唐蒙一名女蘿女蘿一名菟絲。〔神農本草經上〕菟絲子名醫曰一名菟

纍一名唐蒙一名玉女一名赤網。一名兔。〔離騷〕草木疏二。本

草兔絲子一名赤網。〔按〕網網二稱必有一誤。〔駢雅〕作網自應以

草木疏所引爲據。纍與纍通見上山。纍下蓬。〔注〕又菟纍作兔

纍猶菟絲作兔絲也。

烏韭垣羸昔邪垣衣也。

〔廣雅釋草〕簪邪烏韭也在屋曰簪邪在牆曰垣衣疏證皆苔屬也西山經云小華之山其草有葇荊狀如烏韭郭注云烏韭在屋者曰昔邪在牆者曰垣衣本此以釋之也〔經史證類大全〕本草草部中品垣衣一名昔邪一名烏韭一名垣贏凌霄紫葳陵苕也

〔經史證類大全〕本草木部中品紫葳一名凌霄唐本注云此卽凌霄花也爾雅釋草郭云一名陵時又名凌霄〔按〕今本爾雅注無又名凌霄四字本草紫葳亦無陵時之名圖經謂古今所傳書有異同是也・苕音調葳音威
堯韭昌羊菖蒲也

〔又〕草部上品菖蒲吳氏云一名堯韭〔淮南子說山訓〕昌羊去蚤蟲而來蛉窮〔注〕昌羊昌蒲也

棘苑。蔓繞遠志也。

神農本草經上遠志一名棘苑。一名蔓繞。爾雅釋草蔓繞棘苑。
注今遠志也。廣雅釋草棘苑遠志也。按棘與棘苑與苑苑字並通。蔓烏了反。苑音冤。

玉精人參也。

御覽九百九十一藥部吳氏本草曰人參一名玉精。

鹿竹雞格黃精也。

經史證類大本本草草部上品黃精一名雞格一名鹿竹。按此墨字乃名醫別錄之文。

地輔。卻暑托盧。枸杞也。

神農本草經上枸杞一名地輔。名醫曰一名卻暑。又孫氏按

毛詩云集于苞杞。傳云杞枸櫞也。陸璣云苦杞秋熟正赤服之。

輕身益氣列仙傳云陸通食橐盧木實抱朴子仙藥篇云象柴一名托盧是也或名仙人杖或云西王母杖或名天門精或云卻老或名地骨或名枸杞也

女萎馬薰地節青薺黃芝也

〔又同上〕女萎名醫曰萎蕤一名地節一名玉竹一名馬薰〔後

漢書華陀傳青薺生於豐沛彭城及朝歌間〕〔注〕佗別傳曰青薺者一名地節一名黃芝主理五藏益精氣本字書無薺字相傳

音女廉反

蕝杜地管茅根也

〔又本草經中〕茅根名醫曰一名地管一名蕝杜○蕝與蕝通

銅芸百蜚防風也

〔又本草經上〕防風一名銅芸名醫曰一名百蜚・蜚音斐又音

非

地新藁本也

〔又本草經中藁本一名地新。又見上藁芟注〕

卑鹽麻黃也

〔又同上麻黃名醫曰一名卑相一名卑鹽〕

苻離澤芬葛麻白芷也

〔爾雅釋草莞苻離其上葛注〕今西方人呼蒲爲莞蒲葛謂其頭

臺首也。今江東謂之苻離。西方亦名蒲中莖爲葛。用之爲席。〔正

義〕本草白芷一名莞。一名苻離。王逸楚詞注莞夫離也。與郭異

• 葛音羽翮之翮。〔神農本草經中白芷名醫曰一名苻離一

名澤芬。葉一名葛麻。〕

玉延薯蕷也

御覽九百八十九藥部吳氏本草曰署豫一名諸署一名玉延

廣雅釋草王延。儲莢署預也疏證今之山藥也按古玉字無點

王延卽王延也經史證類大全本草六草部上品薯蕷秦楚名

玉延鄭越名土諸孫氏神農本草經上按語引廣雅王並作玉

• 儲音曙又音儲莢音豫與預同

林蘭禁生石蓮石斛也

神農本草經上石斛一名林蘭名醫曰一名禁生一名杜蘭一

名石蓮•蓮音逐

解蠶屋茨起實薏苡也

又同上薏苡仁一名解蠶名醫曰一名屋茨一名起實按蠶同

蠶省正字通引漢匈奴傳谷蠶作谷蠡音里•茨音毯薏音意

苡音以又音似苡苡本字一作呂廣雅釋草薏起實音呂也

〔疏證〕畜呂與蕙苢同。藟音貢。證類本草六作藟音感。畜音憶。戴縻蜀脂百本黃者也。

〔神農本草經上〕黃耆一名戴縻。名醫曰一名蜀脂一名百本。縻音桑感切。

連母。蜺母。水浚女。雷。鹿列。韭逢。沈燔。東根。知母也。

〔又〕本草經中知母一名蜺母一名連母一名水浚一名蜺母。名醫曰一名女。雷一名鹿列一名韭逢一名東根一名沈燔。按燔與燔通一作藩。集韻平聲二藩燔注。或从燔甫煩切。又音煩。

〔爾雅釋草〕藟。沈。藟。注。生山上。葉如韭。一曰蜺母。按此據邵氏正義。本阮氏按勘記作一曰提母。謂監本毛本提改。蜺。葉鈔釋文。本引郭云一曰提母。通志堂作蜺誤。〔廣雅釋草〕藟母兒。踵東。

根也。〔疏證〕說文云。藟。藟母也。玉篇云。藟母草。卽知母也。藟。藟。

知蜚蜚提古聲竝相近

地文半夏也

神農本草經下半夏一名地文

絺體顛勒顛棘也

經史證類大本草草部上品天門冬陶隱居云張華博物志云天門冬逆將有逆刺若葉滑者名絺休一名顛棘金城人名爲浣草此非門冬相似爾按今本博物志無此文唯卷四載魏文帝所記諸物相似亂者有敵休亂門冬五字絺作敵體作休御覽九百八十九藥部六引博物志又作郅休疑體字俗訛作体休体字混傳寫之誤爾神農本草經上天門冬一名顛勒廣雅釋草顛棘女木也疏證本草云天門冬一名顛勒勒棘古同聲顛棘之作顛勒若小雅斯干如矢斯棘韓詩棘作杪矣

禹葭忍陵僕壘隨脂羊耆馬韭葇冬也

〔神農本草經上〕麥門冬名醫曰秦名羊韭齊名愛韭楚名馬韭越名羊耆一名禹葭〔經史證類大全本〕草部上品麥門冬吳氏云一名馬韭一名葇冬一名忍陵一名僕壘一名隨脂。葇音門耆與耆通

葇吾莧奚顓凍鑽凍款冬也

〔神農本草經中〕款冬花一名葇吾一名顓凍一名兔奚〔按〕此據孫氏本證類本草九草部中品白字本兔作莧又按急就章云款東貝母莧狼牙半夏阜莢艾葇吾則是款東葇吾爲二物與本草異也〔爾雅釋草〕莧奚顓凍〔注〕款凍也紫赤華生水中〔釋

文〕顓苦果反或音款凍謝音東施都弄反讀者亦音冬〔按〕本草云款冬一名氏冬陶注云其冬月在冰下生則應是冬恐承音

作字異爾。廣雅釋草：苦葇，款凍也。疏證：款或作款凍，或作凍。
經史證類大全本草草部中品：行義曰：款冬花百草中惟此不
顧冰雪最先春也。世又謂之鑽凍。

附支：丁翁、燕覆、離南、活脫、木通也。

神農本草經中：通草一名附支。名醫曰：一名丁翁。廣雅釋草

丁父附支，蒹草也。疏證：陶注本草云：莖有細孔，兩頭皆通。唐本

注云：此物大者徑三寸，每節有二三枝，枝頭有五葉，其子長三

四寸，核黑穠白，食之甘美。南人謂爲燕覆。食性本草云：燕覆莖

名木通。葇音覆，或省。爾雅釋草：離南、活菴。正義：離南一名

活菴，本草謂之通草，一名附支。釋文：離力知反。本今作離菴字

或作脫，徒活反。又倚商活脫。注：卽離南也。釋文：活胡濶反。

白幕，天雄也。

神農本草經下天雄一名白幕

果負烏頭也

御覽九百九十藥部吳氏本草曰烏頭一名果負

澤姑王善果羸括樓也

神農本草經中括樓名醫曰一名果羸一名澤姑呂氏春秋

孟夏紀孟夏之月王善生注善或作瓜瓠瓢也按畢氏沅校本

作王善謂舊本作善者訛善與貨通音倍爾雅釋草果羸之

實栝樓正義爾雅東山云果羸之實亦施於字毛傳果羸括樓

也按括爾雅作栝釋文羸力果反栝樓本或作苦萇阮氏校勘

記云作苦萇是也毛詩傳用括樓假借字說文作苦萇正字爾

雅多用正字羸亦俗字當作蒺說文在木曰果在地曰蒺又曰

苦萇果蒺也本此經與本書在地曰蒺之言合而俗本亦改作

羸矣

利如房圖薺芑桔梗也

〔神農本草經下〕桔梗一名利如〔廣雅釋草〕犁如桔梗也〔疏證〕利

犁古字通〔神農本草經下〕名醫曰桔梗一名房圖一名薺芑

• 芑乃禮切音禰

元臺正馬鹿腸元參也

〔神農本草經中〕元參名醫曰一名元臺一名鹿腸一名正馬

〔廣雅釋草〕鹿腸元參也

牡蒙衆戎紫參也

〔神農本草經中〕紫參一名牡蒙名醫曰一名衆戎

菟槐陵郎岑莖苦參也

〔又同上〕苦參名醫曰一名菟槐一名岑莖一名陵郎

空腸黃芩也。

〔又同上〕黃芩名醫曰一名空腸。

勝。馬陵。馬芩。車前也。

〔又本草經上〕車前子一名當道名醫曰一名芩。芩一名勝。馬。

〔莊子外篇至樂〕蠅蠓之衣生於陵屯則爲陵。馬。釋文司馬云言物因水成而陸產生於陵屯化作車前改名陵。馬也。〔詩芩芩〕

釋文芩本亦作苳音以芩苳。馬。馬也。又名車前。〔爾雅釋草〕芩。芩。

馬。馬。馬。車前。〔注〕今車前草。〔毛詩草木鳥獸蟲魚疏〕采芩芩。

芩。芩。一名當道。喜在牛跡中生。故曰車前當道也。今藥中車前。

子是也。

陵澤。主田。甘遂也。

〔神農本草經下〕甘遂一名主。田。名醫曰一名陵。澤。〔廣雅釋草〕陵。

澤甘遂也

卽鉅大戟也

爾雅釋草蕎卽鉅注今藥草大戟也本草云按神農本草經下
大戟一名卽鉅·卽巨恭反

黃良大黃也

廣雅釋草黃良大黃也疏證御覽引吳普本草云大黃一名黃
良

南燭青靛男縷烏草也

經史證類大全本草木部下品南燭取汁炊飯名烏飯亦名烏
草。燭與燭同又圖經曰陶隱居登真隱訣載太極真人青
精乾石飢飯法飢音迅亦作礎凡內外諸書並無此字惟施於
今飯之名耳其種是木而似草故號南燭草木一名男縷按此

作男縷未詳又按飢當作糲疏臻切集韻平聲二粥凝也

射干烏蓮也

〔廣雅釋草〕鳶尾烏蓮射干也按疏證本烏蓮作烏蓮云各本譌作蓮此尙從舊本作蓮不作蓮

藉姑烏芋也

〔又同上〕萆菇水芋烏芋也〔疏證〕萆菇亦作藉姑名醫別錄云烏芋一名藉姑御覽及齊民要術引廣雅並作藉姑水芋也亦曰烏芋・萆音昨

女青烏葛也

〔又同上〕女青烏葛也〔疏證〕神農本草云女青一名雀瓢別錄云雀瓢白汁主蟲蛇毒卽女青苗汁也按女青二字重出然上云女青葛也係據御覽引廣雅文此云女青烏葛則廣雅原文也

一名不妨兩見鬱儀白敘所謂傳寫異辭皆不刪廢是也

蕒茅烏麤也。

爾雅釋草蕒蕒茅。注蕒華有赤者爲蕒正義上文云蕒蕒此又別其種也說文解字第一蕒茅蕒也一名舜廣雅釋草烏麤蕒也按諸書釋蕒名不一此从廣雅說證以爾雅說文別異名也。
• 麤可與反蕒巨營詳交二反蕒音福

貞蔚芡蔚益母也。

神農本草經上充蔚子名醫曰一名貞蔚。廣雅釋草益母充蔚也疏證爾雅云萑菴郭注云今芡蔚也。釋文萑音佳菴他同反或音推芡音充蔚音尉

地葵常思泉耳也。

神農本草經中泉耳實一名地葵名醫曰一名常思。泉音蔥

方賓懸莞石龍芻也

經史證類大全本草草部上品石龍芻別錄云一名方賓。芻俗芻字。神農本草經上石龍芻名醫曰一名懸莞。莞音桓。虎蒲龍棗澤蘭也。

神農本草經中澤蘭一名虎蘭一名龍棗名醫曰一名虎蒲。屈據離婁蘭茹也。

又本草經下閭茹名醫曰一名屈據一名離婁。蘭與閭通茹音如。

戴椹盜庚旋覆也。

又同上旋復花一名金沸草名醫曰一名戴椹。椹食荏切音甚。爾雅釋草覆盜庚。注旋覆似菊。釋文覆郭音復施孚服反。庚本又作羹同古衡反。說文解字第一同。

王芻鹿蓐。藟草也。

爾雅釋草。芟王芻。注。芟蓐也。今呼鴟腳莎。詩淇奥正義釋草云。芟王芻。舍人曰。芟一爲王芻。某氏曰。芟鹿蓐也。經史證類大全本草草部下品。藟草。唐本注云。俗名芟蓐。草臣禹錫等謹按爾雅疏云。芟鹿蓐也。詩衛風云。芟竹猗猗。是也。芟力辱反。芻楚俱反。本又作芻蓐。音辱。藟音熅。

乃東。夕句。燕面。夏枯草也。

神農本草經下。夏枯草一名夕句。一名乃東。名醫曰。一名燕面。豺羽。升推。疾藜也。

又本草經上。疾藜子一名豺羽。一名升推。豺音儕。

荊藪。藪。天名精也。

爾雅釋草。荊藪。豕首。注。本草曰。藪。一名蟾蜍蘭。今江東呼獬。

首釋文荇音列莢音眞菟音滯豨虛豈反〔神農本草經上〕天
名精名醫曰一名菟顧

行唐莢荇也

〔神農本草經下〕莢蕩子名醫曰一名行唐〔孫氏按〕廣雅云菹萍
蘭蕩也陶宏景云今方家多作狼蕩舊作荇〔按〕說文無荇蕩字
史記淳于意傳云菹川王美人懷子而不乳飲以菹蕩藥一撮
本草圖經引作浪蕩是。夏氏荃曰菹萍蘭蕩廣雅釋草文萍
不作萍證類本草十草部下品作莢荇原注莢音浪荇音蕩孫
引陶隱居及圖經皆本證類本草惟白字荇改作蕩爾

接余晁葵也

〔爾雅釋草〕荇接余其葉苻〔釋文〕荇音杏本亦作苻接如字說文
作莢音同余羊如反〔經史證類大全〕本草草部中品晁葵生水

中卽蒼菜也一名接余。

解離防己也。

〔神農本草經中〕防己一名解離。

爵犀鬼曰也。

〔又〕本草經下鬼曰一名爵犀。

拒冬續隨也。

〔經史證類大全〕本草草部下品續隨子一名拒冬。拒張刻作

拒舊鈔本不誤。

梨蓋房慈爵離農果利茹防葵也。

〔神農本草經上〕防葵一名梨蓋。名醫曰一名房慈一名爵離一

名農果一名利茹。〔按〕御覽九百九十三引本草經作房葵一名

犁蓋。

元及會及莖藉五味也。

〔御覽九百九十藥部〕吳氏本草曰五味一名元及。〔廣雅釋草〕會及五味也。〔疏證〕神農本草云五味一名會及。〔按〕此據御覽藥部七引大觀本作墨字乃名醫別錄之文。〔爾雅釋草〕莖莖藉。〔注〕五味也。莖音味又亡戒反莖直其反藉音除餘容犁食解倉芍藥也。

〔神農本草經中芍藥〕名醫曰一名餘容一名犁食。〔御覽九百九十藥部〕芍藥吳氏本草曰一名解倉。〔按〕神農本草經中芍藥名醫曰一名解食經史證類大全本草八黑字作解倉。摩羅強瞿重適連珠百合也。

〔神農本草經中百合〕名醫曰一名摩羅一名強瞿。〔經史證類大全本草草部中品百合〕吳氏云一名重適。〔通志七十五昆

蟲草木一強瞿卽百合也其紅花者一名連珠。

睽菇。鈎菇。薺。王瓜也。

爾雅釋草鈎睽菇。注鈎瓢也。一名王瓜實如瓠瓜正赤味苦。釋文睽本或作睽顧謝同音圭孫苦圭反菇音姑本今作姑瓠音鈎又五侯反瓢力侯反字林云瓠瓢王瓜也。按據陸氏音義注鈎字當是瓠字之譌阮氏校勘記亦云鈎當作瓠。廣雅釋草薺。菇。瓠瓢王瓜也。經史證類大全本草草部中品王瓜圖經曰又名鈎菇。禮月令孟夏之月王瓜生。注王瓜草。挈也。正義王瓜草挈者本草文釋文草挈上皮八反下起八反。此作薺挈未詳。

蔥苒。豐盧。蕙葵。藜盧也。

廣雅釋草藜盧蔥薺也。疏證蔥各本譌作薺神農本草云藜盧。

一名蔥苒苒與蒔同御覽引廣雅藜蘆蔥苒也。蒔他甘切

〔御覽九百九十藥部〕吳氏本草曰藜蘆一名豐蘆一名蔥葵一名蔥苒。盧與蘆通葵張刻作蔡舊鈔本不誤

白昌夜呼章柳商陸也

〔經史證類大全本草草部下品〕商陸今注一名白昌。〔神農本

草經下〕商陸一名夜呼。〔廣雅釋草〕常藜馬尾蒔陸也。〔疏證玉

篇云〕葦柳當陸別名又云蒔章陸葦蒔古同聲柳蒔陸三字古

亦同聲也。〔按葦柳云云見玉篇中草部

虎卷伯蒔扁苒貫渠貫衆也

〔神農本草經下〕貫衆一名貫渠一名虎卷一名扁苒名醫曰一

名伯蒔。〔爾雅釋草篇〕苒止。〔注〕未詳。又〔藻貫衆注〕一名貫渠廣

雅云貫節。〔按郭云未詳據本草經云一名扁苒卽此也爾雅當

云篇苻止灤貫衆扁與蓴同匹縣反灤音爍衆音終

萇楚銚弋葍草也

萇楚銚弋。見爾雅釋草詳下釋木羊桃注又說文解字第一萇楚銚弋一名羊桃廣雅釋草鬼桃銚弋疏證檜風隰有萇楚傳云萇楚銚弋也神農本草云一名羊腸名醫別錄云一名御弋按此以萇楚銚弋爲葍草說文解字第一云葍草也从艸律聲段氏注引唐本草云葛葍蔓宋本草云葛勒蔓似葛有刺錢氏拈斟詮云本草有葍俗名葛勒蔓也諸書所引皆不以爲萇楚銚弋之名鬱儀所云未知其審。葍音律

異翹折根三廉連翹也

爾雅釋草連異翹注一名連苕又名連草本草云神農本草經下連翹一名異翹一名三廉名醫曰一名折根

三堅馬蘭。蠡實也。

〔神農本草經中〕蠡實一名三堅。〔經史證類大本〕本草草部中

品蠡實。唐本注。通俗文。一名馬蘭。圖經曰。蠡實馬蘭子也。北人

音訛呼爲馬蘭子。蘭音吝。

黃斤葛穀也。

〔神農本草經中〕葛根葛穀。名醫曰。一名黃斤。

承膏薇銜也。

〔又〕本草經上薇銜一名糜銜。名醫曰。一名承膏。

文無當歸也。

〔古今注〕問答釋義第八。將離別相贈。以芍藥亦猶相招。召贈之

以文。無文無亦名當歸也。

茈萸瞿麥也。

萋當作萎。爾雅釋草：大菊瞿麥。正義釋文引廣雅云：「萋，萎麥句。」
薑蓬麥。今本廣雅作「萋蒨陵苕」。蓬麥也。疑傳寫之訛。當以陸氏
所據之本爲正。按經史證類大全本草八圖經引廣雅：「萋蒨亦
作萋萎。此作萋。」疑誤。萋紫疵二音。萋樓樓二音。又力朱切。
萎音透於危切。

赤節草。解也。

神農本草經中：草解。名醫曰：一名赤節。草音卑。解音皆。又皆
買下買二切。

玉支。羊躑躅也。

又本草經下：羊躑躅。名醫曰：一名玉支。躑躅證類本草十引作
躑躅。廣雅釋草：躑躅作躑躅。字並通。

玉歧地榆也。

廣雅釋草〔補〕蔕地榆也〔疏證〕名醫別錄云地榆生桐柏及冤句山谷陶隱居注云葉似榆而長初生布地其花子紫黑色如鼓故名玉鼓〔齊民要術〕十地榆〔神仙服食經〕云地榆一名玉札其實黑如鼓北方呼鼓爲札〔當言〕玉鼓與五加煮服之可神仙是以西域真人曰何以支長久食石畜金鹽何以得長壽食石用玉鼓。鼓是義切

豺漆金鹽五加皮也。

神農本草經上〔五加皮一名〕豺漆。豺士佳切〔經史證類大〕

全本草木部上品〔五加皮〕東華真人煮石經舜常登蒼梧山曰厥金玉之香草朕用偃息正道此乃五加也又異名曰金鹽。

夜合何首烏也。

經史證類大全本草草部下品何首烏一名夜合。

凌泉黃環也。

〔神農本草經下〕黃環一名凌泉。

蓬纍覆盆也。

〔又本草經上〕蓬纍一名覆盆。〔孫氏按〕列仙傳云昌容食蓬纍根。陶宏景云蓬纍是根名覆盆是實名。纍與纍字並通。

冰臺艾也。

〔爾雅釋草〕艾冰臺。〔注〕今艾蒿。

女菀茆也。

〔神農本草經中〕女菀。〔名醫曰〕一名白菀。一名茆。〔廣雅釋草〕女腸女菀也。〔疏證〕紫菀之白者名女菀。菀音婉。

鬼目蓄也。

〔神農本草經下〕羊蹄一名鬼目。〔名醫曰〕名蓄。〔生陳留〕。蓄張刻。

馬 卷一
本誤作蓄此从舊鈔本改正

軒于猶也。

文選子虛賦。菴閭軒于。注張揖曰軒于猶草也。

夫須臺也。

爾雅釋草。臺夫須。正義小雅云南山有臺疏引舍人云臺一名夫須陸璣疏云舊說夫須莎草也可以爲簑笠。按釋文臺字又作臺同夫音扶須音須本今作須阮氏校勘記按詩都人士釋文云臺如字爾雅作臺則此釋文當作臺字又作臺蓋爾雅經作臺注引詩箋作臺今祇以臺臺爲異文誤也據釋文須作須知臺亦作臺矣

鎬侯莎也。

又同上。藹侯莎。說文解字第一莎鎬侯也。藹胡老反與鎬通

莎先禾反

缺盆莖也

爾雅釋草莖莢注覆莖也實似莓而小亦可食正義說文缺盆二字俱不从艸陸本作莢莖後世增加字也廣雅云缺盆陸英莓也太平御覽又引吳普本草云缺盆一名決盆釋文莖音苦圭反莢去悅反莖步昆反按今本廣雅作莢俗本譌作莢邵作缺未詳何本又郭注爾雅以莢莖爲覆莖與上蓬蘽無別此不從其說

寒漿蒧也

又同上蒧寒漿注今酸漿草江東呼曰苦蒧釋文蒧之金反藥何干反本今作寒

祝餘療飢草也

山海經南山經招搖之山有草焉其狀如韭而青華其名曰祝
餘食之不飢注或作桂茶箋疏桂當爲桂字之譌桂茶祝餘聲相近

黃薺已疥草也

又西山經竹山有草焉其名曰黃薺其狀如樗其葉如麻白華
而赤實其狀如赭浴之已疥薺音灌

薺蓉使人無子

又同上嶠冢之山有草焉其葉如蕙其本如桔梗黑華而不實
名曰薺蓉食之使人無子薺音骨

植楮可以已癰

又中山經脫扈之山有草焉其狀如葵葉而赤華莢實實如櫟
莢名曰植楮可以已癰注癰病也箋疏太平御覽七百四十二

卷引郭注作瘋癭也。說文云癭頸腫也。瘋音者癭音扁又溜屢二音。

葶藶可以毒魚。

又同上熊耳之山有草焉其狀如蘇而赤華名曰葶藶。可以毒魚。注葶寧盯晦二音

苦辛可以已瘡。

又同上陽華之山其草多諸蓂多苦辛。其狀如櫛其實如瓜其味酸甘食之已瘡。

焉酸可以療毒。

又同上鼓鍾之山有草焉方莖而黃華員葉而三成其名曰焉酸。可以爲毒。注爲治箋疏焉酸一本作烏酸治去之也

嘉榮令人不寢。

又同上平石之山其上有草焉生而秀其高丈餘赤葉赤華華而不實其名曰嘉榮服之者不寢注不畏雷霆霹靂也箋疏按北堂書鈔一百五十二卷引此經寢上有畏字注無雷霆二字今本脫衍也

宿莽卷施也

爾雅釋草卷施草拔心不死注宿莽也離騷云正義離騷云夕擘洲之宿莽王逸注草冬生不死者楚人名之曰宿莽釋文卷施竝如字施或作施同

牡老雀麥也

經史證類大全本草草部下品雀麥外臺祕要一名牡柁草。老與柁通竝魯皓切

龍古游龍馬蓼也

爾雅釋草紅龍古其大者藟注俗呼紅草爲龍鼓語轉耳正義
詩疏引舍人云紅名龍古紅者虞夏之別種後世所謂水荳也
釋文龍力恭反又力公反歸謝邱軌反郭匡龜反爲龍如字本
今作龍。龍古張刻作龍古此从舊鈔本詩山有扶蘇隔有
游龍傳龍紅草也疏陸璣疏云一名馬蓼。璣本今作機
石衣石髮澤葵苔也

爾雅釋草藟石衣注水苔也一名石髮。藟音潭廣雅釋草
石髮石衣也文選蕪城賦澤葵依井呂延濟注澤葵莓苔也
又陸龜蒙苔賦卑有澤葵

石帆海草也

文選吳都賦石帆水松劉淵林注石帆生海嶼石上草類也無
葉高尺許其華離婁相貫連雖無所用然異物也死則浮水中

人於海邊得之希有見其生者

魚蘇。薺葦。桂荏。勞祖。雞蘇也。

〔經史證類〕大本草茶部中品。〔蘇圖經〕曰蘇有魚蘇。山魚蘇。皆是荏類。魚蘇似茵陳大葉而香。吳人以煮魚者。一名魚蘇。生山石間者。名山魚蘇。〔按〕廣雅釋草荏蘇也。疏證引同。蘇音書。

〔又〕唐本注云青薺河間人名爲水蘇。江左名爲薺葦。吳會謂之雞蘇。薺在禮切。葦女耕切。〔爾雅釋草〕蘇。桂荏。〔注〕蘇荏類故

名桂荏。荏而甚反。〔神農本草經中〕水蘇。名醫曰一名雞蘇。

一名勞祖。

爵瓢。芄蘭也。

〔詩〕芄蘭之支正義釋草云。灌芄蘭郭璞曰。蔓生斷之有白汁可啖。陸璣疏云。一名蘿摩。幽州人謂之雀瓢。雀與爵通。芄音桓。

光風懷風苜蓿也。

〔西京雜記〕卷二苜蓿一名懷風。時人或謂之光風。茂陵人謂之連枝草。

東牆土英也。

〔後漢書〕烏桓傳其土地宜稌及東牆。東牆似蓬草實如稌子至十月而熟。〔按〕牆一作牆。〔漢書〕司馬相如傳東牆雕胡。〔注〕張揖曰東牆實可食。師古曰東牆似蓬其實如葵子也。又作薺。〔御覽〕八百四十二百穀部。〔廣志〕曰東薺色青黑粒如葵子幽涼并皆有之。西河語曰貸我東薺償我白梁。又作膾庶物異名疏。穀部東膾似稌可作白酒。見魏書。出烏桓地。以上諸說皆不作土英解。搏且芭蕉也。

〔史記〕司馬相如列傳諸蔗搏且。〔索隱〕搏音普各反且音子餘反。

漢書作巴且文穎云巴蕉也

繁露天葵也

經史證類大本本草菜部下品落葵一名天葵一名繁露陶隱居云又名承露按爾雅釋草蔞葵繁露注承露也繁與蔞通倚扇實閭倚蕙蕙蒲也

宋書符瑞志下蕙蒲一名倚扇狀如蓬大枝葉小根根如絲轉而成風殺蠅堯時生於厨御覽八百七十三休徵部孫氏瑞應圖曰蕙蒲一名倚扇一名實閭一名倚蕙蕙山輒切

蕙葵歷草也

文選王融三月三日曲水詩序歷草滋注田俅子曰堯爲天子蕙葵生於庭爲帝成歷按宋書符瑞志上載堯在帝位七十年有草夾階而生月朔始生一葵月半而生十五葵十六日以後

日落一莢及晦而盡月小則一莢焦而不落名曰冀莢一日厯

莢
福并福草也

御覽八百七十三休徵部孫氏瑞應圖曰福并瑞草王者有德則福并生按宋書符瑞志中福草者宗廟肅則生宗廟之中御覽八百七十三休徵部二引孫氏瑞應圖注云一云禮草又引宋均禮斗威儀注云福草卽朱草之別名而分福并福草爲二門則不以福并爲福草

屈軼指佞草也

宋書符瑞志上黃帝軒轅氏有屈軼之草生於庭佞人入朝則草指之是以佞人不敢進按文選王融曲水詩序注引田俅子御覽八百七十三休徵部引孫氏瑞應圖所述略同文不備載

紫達紫脫濶達連達也

又符瑞志下紫達王者仁義行則見
文選王融三月三日曲

水詩序紫脫華注禮斗威儀曰人君乘土而王其政太平而遠
方獻其朱英紫脫宋均注曰紫脫北方之物上值紫宮
符瑞志下寶連濶達生於房室王者御后妃有節則生
華萃雙連也

御覽八百七十三休徵部華萃祥瑞圖曰雙蓮爲萃又曰華萃
者其枝正平王者德剛則仰弱則低孝經援神契曰王者德至
於地則華萃感按宋書符瑞志下華萃作華平文與祥瑞圖同
蓮不作連庶物異名疏草部下引亦同
菝菝延嘉葳蕤朱英皆瑞草也

玉篇艸部菝菝瑞草。廣韻五入聲同按文選甘泉賦作茝

栝張銑注并閭茝栝皆瑞草名漢書揚雄傳上栝作苦是栝栝與茝苦字竝通也。拔括二音。御覽八百七十三休徵部孫氏瑞應圖曰延嘉王者有德則見孝經援神契曰天子至德屬於四海則延嘉生。宋書符瑞志下威蕤王者禮備則生於殿前御覽八百七十三休徵部孫氏瑞應圖曰王者禮備則威綏生原注一曰威蕤又曰王者受人倫則威蕤生於殿前庶物異名疏草部蕤綏注一曰蕤蕤文選王融三月三日曲水詩序朱英秀注尚書大傳曰德先地序則朱草生瑞應圖曰此草亦曰朱英

除辛鉤吻野葛也

經史證類大全本草草部下品鉤吻蜀本一名除辛神農本草經下鉤吻一名野葛廣雅釋草莧鉤吻也。莧古恨反吻武

粉切

胡蔓收麻毒草也

〔南方草木狀〕卷上草類治葛毒草也蔓生葉如羅勒光而厚一名胡蔓草按蔓廣雅釋草疏證引作蔓亦見酉陽雜俎十九草篇補筆談卷三文不備載〔太平廣記〕四百八草木有牧麻草大毒有此草值風吹其氣所至則數里內稻皆卽死原注出感應經

茹藺毒菌也

〔太平廣記〕四百十三草木江夏漢陽縣出毒菌號茹藺非茅蒐也每歲供進縣司常令人於田野間候之苟有此菌卽立表示人不敢從下風而過避其氣也原注出北夢瑣言按今本北夢瑣言二十卷內無此文如閤二音

吉財解毒草也。

〔又四百八草木〕新州郡境有藥士人呼爲吉財。解毒諸毒及蠱神用無比。俗云昔有人遇毒其奴吉財得是藥因以奴名名之。實草根也。類芍藥。遇毒者夜中潛取二三寸或剉或磨少加甘草詰旦煎飲之得吐卽愈。原注出投荒錄按南方草木狀上載李僕之奴得解毒草遂以奴名名之吉財作吉利疑傳寫之誤林於篋當由梧蘇麻大竹也。

〔御覽九百六十三竹部〕竹譜曰林於竹薄而廣。按今本竹譜作箨葉薄而廣越女試箭竹是也。〔又〕顧微廣州記曰篋竹一名員當節長一丈按員當一作篋當竹譜篋當最大者中篋御覽引中篋作中作篋。〔齊民要術〕十竹南方草木狀曰由梧竹吏民家種之長三四丈圍一尺八九寸作屋柱出交趾按今

本南方草木狀無此文御覽竹部二引左思吳都賦曰由梧有簞今本作柚亦與所引異見下射筒注
〔竹譜〕蘇麻竹長數丈葉大如履

簞簞射筒簞築扶老簞勞小竹也

〔初學記〕果木部竹第十八戴凱之竹譜曰簞簞竹大如腳指蟲食其筍皮類繡甚可愛按今本竹譜譌脫過甚如射筒簞筍之類皆不足引據也集韻含朶二音簞一作答
〔文選〕吳都賦其

竹則簞簞簞筍桂箭射筒柚梧有簞簞勞有叢劉涓子注射筒竹細小通長長丈餘亦無節可以爲射筒
〔集韻〕上聲六簞築

竹名生南陽漢時獻爲馬策•簞音孤築徒果陟瓜二切
〔山

海經〕中山經龜山其下多扶竹
〔注〕邛竹也高節實中中杖也名之扶老竹
〔竹譜〕筍竹山海經謂之扶竹又名扶老
〔南方草木

狀卷下竹類。篋。竹大者徑不過二寸。篋音思。篋音勞。或省散絲蛇。臍佛桑。麗秋蟬紫。皆花也。產注輦國。

〔通考三百三十二四裔九〕注輦國花有白茉莉散絲蛇。臍佛桑。麗秋。青黃碧婆羅瑤蓮。蟬紫。水蕉之類。臍音齊。

區撥之花。冬夏不衰。產頓遜國。登相之草。產高昌國。彼人以當五設

〔又三百三十一四裔八〕頓遜國有區撥等花十餘種。冬夏不衰。日載數十車。貨之。其花燥更芬馥。亦末爲粉以傅身焉。區豈

俱烏侯二切。撥北末切。〔又三百三十六四裔十三〕高昌沙磧

不育五穀。砂中生草名登相。收之以食。相息良息亮二切。

息雞之草。產沙漠。馬食不過十本。卽席其也。

〔五代史四夷附錄二〕契丹水草豐美有息雞草。尤美而本大。馬食不過十本而飽。〔按〕此引胡嶠陷虜記語。述異記下席具草一

名塞路生北方通雅四十一引西陽雜俎續集作席箕卽息雞也

速古之草產白蘭國

通志一百九十五四夷二吐蕃有草名速古芒葉長二寸狀若針蒿按草出吐蕃此作白蘭疑誤通志白蘭之下卽接吐蕃不言物產鬱儀蓋偶未檢耳

尋支之瓜產大食國

通考三百三十九四裔十六大食瓜大者名尋支十餘人食一顆輒足○此引杜環經行記語

都蔗大蔗也白者竹蔗赤者崑侖蔗小而燥者謂之荻蔗

北堂書鈔一百三十三服飾部曹植矯志詩云都蔗雖甘杖之必折通志七十六昆蟲草木二甘蔗有三種赤色者曰崑崙

蔗。白色者曰竹。蔗亦曰蠟蔗。小而燥者曰荻。蔗。

駢雅卷六下

訓養十三

明 朱謀瑋 鬱儀

龍巖魏茂林學

釋木

麥英含桃櫻桃也

藝文類聚八十六果部櫻桃吳氏本草曰一名朱菜一名麥英
甘酣主調中益脾氣令人好顏色美志氣。御覽九百六十九
引略同 禮月令仲夏之月天子乃以雛嘗黍羞以含桃注含
桃今之櫻桃也

仁頻檳榔也

文選上林賦仁頻并閭注孟康曰仁頻櫻也善曰仙藥錄曰檳
榔一名機然仁頻卽檳榔也

離支荔枝也

又同上。荅逖離支。注晉灼曰：離支大如雞子，皮麤剝去，皮膚如雞子中黃，味甘多酢少。離力智切。

般關含消美梨也。

古文苑揚雄蜀都賦：扶林禽燭般關。注般關美梨也。廣志曰：關以西梨多供御，燭光采貌。御覽九百六十九果部。辛氏三秦

記曰：漢武帝園一名樊川，一名禦宿，有大梨如五升，落地則破。其主取者以布囊盛之，名含消梨。又見三輔黃圖苑囿門御宿苑條下，禦一作御。

溝道黃建經孝黃扁名李也。

御覽九百六十八果部。廣志曰：麥李細小有溝道李。黃建李又曰有經李，一名老李，其樹數年則枯，有杏李味小酢，似杏有黃扁。李有夏李，有冬李，十一月熟。此三李種鄴園。經李一名老

李此作經孝未詳。扁方典切音匾。

駢白崎廉。鹿盧名棗也。蹙杏大棗也。

又九百六十五果部。廣志曰大白棗一名曰蹙。杏小核多肌三星。棗駢白。棗灌棗此四者官園所種。又有元棗大棗崎廉。棗桂。棗夕棗之名。蹙子六切音械。〔初學記果木部棗第五鹿盧〕注郭璞曰子細腰者今謂之鹿盧棗。

巴旦北杏也。

通雅四十三植物類。杏仁曰巴旦。乃大宛種也。今京師稱巴旦杏仁而不知其故。按荅烈古大宛也有蒲萄巴旦杏。永樂七年。麼賚等朝貢。

冬熟。侯闕土翁。枸槽。猴櫨。多南。王壇。三廉。文莖。荅逕。桴苳。皆小果也。

御覽九百七十四果部臨海異物志曰冬熟如指大正赤其味

甘勝梅又猴闔子如指頭大其味小苦可食。侯猴通闔他

達切又王翁子如漆子大熟時甜酸其色青黑。又狗槽子

如指頭大正赤其味甘。枸俗作狗古厚切又猴惣子如指

頭大與柿相似其味不減於柿按惣卽搃之俗體字作孔切惣

亦作棡齊民要術卷第十引又作總字形別耳音義一也。又

多南子如指大其色紫味甘與梅子相似晉安侯官界中有之

又王壇子如棗大其味甘晉安侯官越王祭壇邊有此果無

知其名因見生處遂名王壇其形小於龍眼有似木瓜七月熟

甘美也。又陳祁暢異物志曰三廉大實實不但三食之多汁

味酸且甘藏之尤好與衆果相參註出南安郡雲母山見南越

志雖名三廉或有四五六枝。山海經西山經符禺之山其上

有木焉名曰文莖。其實如棗。可以已聾。〔文選上林賦〕荅逌注。

張揖曰：荅逌，似李出蜀。逌音沓。〔逸周書王會解〕康民以桴。

苳。桴苳者，其實如李，食之宜子。〔注〕康亦西戎別名也。食桴苳卽有身。王本作康人。洪本桴作桴，鬱儀桴桴兩用。此作桴下桴苳，又作桴別異文也。桴以二音。

鹿梨、赤羅槎也。

〔毛詩〕草木鳥獸蟲魚疏：隰有樹槎。槎一名赤羅，一名山梨。今人謂之楊槎，其實如梨，但實甘小異耳。一名鹿梨，一名鼠梨。槎，徐醉切音遂。

枌詣榼也。

〔丹鉛總錄〕花木類：枌詣爾雅注引，諺云上山斫檀榼，榼先彈榼字，一作枌。三輔黃圖有枌詣殿枌，謂木名卽榼也。〔按〕上山云云。

爾雅釋木郭注文詳下檣。檣似檀而細葉。注今本黃圖三殿作宮。又枌。詣。祇言宮中美木名。不言何木。卽榿也。三字乃升菴所加。鬱儀蓋本其說。考玉篇中木部榿。牛狄切。榿舟亦作榿。集韻入聲十。榿。榿。艘。注。榿首舟也。或从木。从兒。皆不作木名。解通雅四十三。木類謂枳。枌。詣也。引爾雅。枳。櫨。又謂枌音意。枌。詣。卽櫨也。與升菴說異。沈氏亮曰。通雅引齊諺。榿。榿。先殫。則總錄。榿。乃榿之譌。殫。乃殫之譌也。又榿。本榿之俗字。見玉篇中木部。榿。字重文。榿與榿字形相近。方氏謂升菴以枌。詣。卽檣。榿。則榿。或榿字之譌。爾陸璣詩。爰有樹檀。疏。檣。榿。作挈。榿。鄭注爾雅。卷下云。俗呼朴樹。其木如檀。方氏謂卽梓。榆。未知孰是。又枌。詣。一作枌。指。宮名。見玉篇中木部。枌。字注。枌。於計切。指。五計切。道梓松也。

廣雅釋木道梓松也

思仙杜仲也

經史證類大全本草木部上品杜仲一名思仙

秦皮石櫝白櫝也

又木部中品秦皮一名岑皮一名石櫝生廬江川谷及冤句圖經曰俗呼爲白櫝木

雨師櫝落櫝也

廣雅釋木雨師櫝櫝也疏證陸機詩疏云河柳皮正赤如絳一

名雨師枝葉似松是雨師卽櫝也雨各本譌作而又脫師字今

訂正通志七十六昆蟲草木二櫝曰河柳曰雨師曰春柳大

概杉松之類而意態似柳故謂之櫝柳爾雅曰櫝河柳其材可

卷爲盤合又曰櫝落郭云可以爲栝器素又爾雅鄭注釋木櫝

落樓音鏤郭云可以爲杯器據此則今檜杉也。素與索通

烏文黑木也

〔古今注草木第六〕翳或作盤翳木出交川色黑而有文亦謂之烏文木也

多邦蘇枋絳木也

〔明一統志九十外夷安南土產蘇木原注〕一名多邦〔南方草木狀卷中木類〕蘇枋樹類槐花黑子出九真南人以染絳漬以大庾之水則色愈深

男青朱木也

〔御覽九百六十一木部〕羅浮山記曰男青條蕊之屬莫不朱色尤易植立折插土中因便開榮

青田酒木也

古今注草木第六烏孫國有青田核莫測其樹實之形至中國者但得其核耳得清水則有酒味出如醇美好酒核大如六升瓠空之以盛水俄而成酒

咸平酢木也

談薈二十九曼陀羅草條引真臘風土記蒲巴澗山間有石可食味勝於鹽琢之爲器有咸平樹莢葉味酸用以代醯又三十五醯蔬草蜜條引元覽臨安有酸角之醯蔬焉真臘有咸平之酢樹焉巴西有草或交河有草蜜

白薈舉蘇飴木也

山海經南山經侖者之山有木焉其狀如穀而赤理其汗如漆其味如飴食者不飢可以釋勞其名曰白薈注或作舉蘇舉蘇一名白薈見廣雅音羔按今本廣雅釋草作慕蘇白薈也疏證

引郭注亦作皋不作舉千祿字書云舉俗皋字也

都勾桃榔麪木也

御覽九百六十一木部劉欣期交州記曰都勾樹木中出屑如

麪可啖〔文選蜀都賦〕麪有桃榔〔劉淵林注〕桃榔樹名也木中

有屑如麪可食出興古・光郎二音

枸榔綿木也

〔文選吳都賦〕枏欄枸榔〔劉淵林注〕異物志曰枏欄櫟也皮可作

索枸榔樹也直而高其用與枏欄同枏欄出武陵山枸榔出廣

州〔按〕枸榔與枏欄皆非綿木此殆因下句絲枏〔杮櫨注〕有木絲

樹實有如絲綿一實得數斤云云誤會之也・枸古侯反根音

郎與榔通

繫彌栗木也

御覽九百六十一木部毛詩義疏曰繫彌一名契似檀廣志曰繫彌樹子赤如糯米可食○彌與彌同邵氏爾雅釋木正義引御覽文糯米作柄粟齊民要術卷十引廣志作極棗正義又云繫彌一名繫迷見陸璣疏一名挈榼

新雉侯桃辛矧木筆也

文選甘泉賦列新雉於林薄注服虔曰新雉香草也雉夷聲相近善曰新雉辛夷也本草辛夷一名辛雉經史證類大本草木部上品辛夷一名辛矧一名侯桃一名房木生漢中川谷九月採實暴乾衍義曰辛夷先花後葉卽木筆花也最先春以其花未開時其花苞有毛尖長如筆故取象曰木筆○侯桃舊鈔本作侯枕張刻作桃不誤

朝生合昏王蒸洽容愛老日及槿也

通志七十六昆蟲草木二木槿曰舜齊魯名王蒸爾雅云人草
例者樊光云其華朝生暮落與草同氣故在草中今人謂之朝
生暮落又合歡曰合昏曰夜合其葉至暮而合故曰合昏今
人皆謂之夜合花按通志分木槿合歡爲二則不以爲一木名
爾雅釋草檉木堇櫨木堇注別二名也似李樹華朝生夕隕
可食或呼曰及亦曰王蒸釋文檉徒亂反堇本或作槿音謹櫨
楚靳反本又作藟齊民要術十木堇傳元朝華賦序曰朝華
麗木也或謂之洽容或曰愛老

夫移棠棣也

爾雅釋木唐棣移注今白移也似白楊江東呼夫移按今白移
也四字原脫邵氏正義據詩疏增補又郝氏義疏說文移棠棣
也文選甘泉賦注引爾雅正作棠棣移也類聚引詩何彼穠矣

棠棣之華是唐當作棠經典通借作唐郭云江東呼夫移者類聚八十九引詩夫移燕兄弟也閔管蔡之失道夫移之華萼不燁燁所引蓋三家詩此郭所本釋文移以支反字林上泥反夫音符

爵李常棣郁李也

齊民要術十鬱爾雅義疏曰其樹高五六尺實大如李正赤色食之牯廣雅曰一名雀李又名車下李又名郁李亦名棣按今本廣雅雀作爵無車下李及郁李之文經史證類大全本草木部下品郁李一名爵李爾雅釋木常棣棣注今山中有棣樹子如櫻桃可食鄭氏樵注常棣棣郁李也

越桃木丹鮮支梔子也

經史證類大全本草木部中品梔子一名木丹一名越桃支

選上林賦鮮支黃礫注司馬彪曰鮮支支子也

銚芑五梭羊桃也

爾雅釋草葇楚銚芑注今羊桃也或曰鬼桃葉似桃華白子如

小麥亦似桃釋文銚羊招反或羊召反字或作銚芑音翼字亦

作弋桂海虞衡志果志五梭子形甚詭異瓣五出如田家礫

礫狀味酸久嚼微甘閩中謂之羊桃

枹閭比閭蒲葵椶也

玉篇中木部櫚椶櫚亦曰枹櫚也。枹俾名切閭與櫚通逸

周書王會解白州比閭比閭者其華若羽伐其木以爲車終行

不敗通雅四十四植物類比閭卽枹櫚王會篇白州比閭蓋椶

閭也玉篇中木部椶祖東切椶櫚也一名蒲葵

浮留菟醬也

經史證類大全本草草部中品蒟醬唐本注云蜀都賦所謂流
味於番禺者蔓生葉似王瓜而厚大味辛香實似桑椹皮黑肉
白西戎亦時將來細而辛烈或謂二種交州愛州人云蒟醬人
家多種蔓生子長大謂苗爲浮留藤取葉合檳榔食之辛而香
也通志七十五昆蟲草木一蒟醬曰浮留劉淵林蜀都賦注云
蒟醬緣木而生其子如桑椹熟時正青以蜜藏而食之辛香今
嶺南人但取其葉及藤合檳榔食之謂之蓼而不用其實。蒟
音矩

瘞接麥李也

爾雅釋木瘞接慮李注今之麥李按邵氏正義謂休爲無實李
瘞爲接慮李是以接慮爲李名此與瘞字連讀接字从木不从
手與邵異義夏氏荃曰陸氏爾雅音義瘞徂禾反慮李如字施

音驪此當以慮李爲句而誤會之爾慮李連讀則痊接亦可爲
李名矣阮氏校勘記謂正德本接誤接閩本監本毛本誤同是
駢雅所據猶是善本邢疏痊接慮李四字渾舉不破僅解郭氏
云今之麥李與麥同熟因名云望文生義宋人說經之陋類如
此

蹶洩苦棗也

又同上蹶泄苦棗注子味苦按初學記果木部棗第五引爾雅
此文蹶泄作蹶洩釋文蹶本亦作蹶居衛反

守宮槐也

又同上守宮槐葉晝聶宵炕注槐葉晝日聶合而夜炕布者名
爲守宮槐

無姑姑榆也

又同上。無姑。其實夷。注無姑。姑榆也。生山中。葉圓而厚。剝取皮合漬之。其味辛香。所謂蕪夷。

青堂合歡也。

古今注問答釋義第八。欲蠲人之忿。則贈之青堂。青堂一名合歡。合歡則忘忿。懽與歡同。

蜜香。珍木也。其節爲沉水。浮者爲雞骨。幹爲甲。棧枝爲青桂。實爲雞舌。根爲黃熟。根節爲馬蹏。一物而七名也。

南方草木狀。卷中木類。交趾有蜜香。樹幹似柅柳。其花白而繁。其葉如橘。欲取香。伐之。經年。其根幹枝節各有別色也。木心與節堅黑。沉水者爲沉香。與水面平者爲雞骨香。其根爲黃熟香。其幹爲棧香。細枝緊實未爛者爲青桂香。其根節輕而大者爲馬蹄香。其花不香。成實乃香。爲雞舌香。珍異之木也。按草木狀。

文祇作棧香無甲棧字通雅四十三木類引述異記謂甲香乃桂香之善者又云甲香卽沉水也唐人謂之甲煎義山詩沈香甲煎爲庭燎則甲棧爲蜜香之一矣

旃檀香木也

御覽九百八十二香部俞益期牋曰衆香是一木木根爲旃檀按此與酉陽雜俎木篇言木五香根旃檀云云語合

賓連平露平慮平兩瑞木也

白虎通卷三上封禪繼嗣平則賓連生於房戶賓連者木名也其狀連累相承故生於房戶象繼嗣也又王者使賢不肖位

不相踰則平露生於庭平露者樹名也官位得其人則生失其

人則死玉海一百九十七祥瑞平露木名一名平慮揚雄傳

甘泉賦注如淳曰并閭其葉隨時政政平則平政不平則傾師

古曰如氏所說自是平慮耳。通雅四十四植物類。孫皓時賈萊生吳平家。東觀按圖名蕢爲平慮。御覽八百七十三休徵部。孫氏瑞應圖曰平露者如蓋。生於庭似四方之政平。王者不私人以官。則四方之政平。若東方政不平。則西低。北方政不平。則南低。西方政不平。則東低。南方政不平。則北低。四方政不出其根。若絲一曰平兩。又曰平兩者如蓋。蓋以知四方王者政平則生。

姑繇冥靈膏夏大木也。

穆天子傳卷六甲戌天子西征。至於因氏。天子乃釣於河。以觀姑繇之木。注姑繇大木也。山海經云尋木長千里。生海邊。謂此木類。繇音遙。列子湯問篇。荆之南有冥靈者。以五百歲爲春。五百歲爲秋。上古有大椿者。以八千歲爲春。八千歲爲秋。注

冥靈木名也。亦見莊子內篇逍遙遊齊民要術十引作宜洽
原注一作靈按宜字疑冥字之譌刊寫誤爾 淮南子俶眞訓
巫山之上順風縱火膏夏紫芝與蕭艾俱死注膏夏大木也其
理密白如膏故曰膏夏

榑木扶桑也

山海經東山經無皋之山南望幼海東望榑木注扶桑二音箋
疏按榑木卽扶桑但不當讀木爲桑注有脫誤。再石經作莠
沙棠不沈

又西山經崑崙之邱有木焉其狀如棠黃華赤實其味如李而
無核名曰沙棠食之使人不溺注言體浮輕也沙棠爲木不可
得沉

思儼不腐

桂海虞衡志草木志思。儼木生兩江州洞堅實漬鹽水中百年不腐。

女貞不凋。

山海經東山經太山上多金玉楨木。注女楨也。葉冬不凋。楨一作貞。

薊栢耐寒。

又中山經敏山上有木焉其狀如荆白華而赤實名曰薊。栢服者不寒。注令人耐寒。薊音計。

迷穀四照。

又南山經招搖之山有木焉其狀如穀而黑理其華四照其名曰迷。穀佩之不迷。

楊檣七脊。

齊民要術十果疏臨海異物志曰楊栲有七脊子生於樹皮中其體雖異味則無奇長四五寸色青黃味甘。御覽九百七十四果部引同

天橢方莖

山海經中山經堵山其上有木焉名曰天橢方莖而葵狀服者不啞。橢注音鞭

六駁多癰

古今注草木第六六駁山中有木葉似豫章皮多癰駁按駁與駁字書兩收據今本古今注駁當作駁竝北角切音剝

圖鏤纖條

隋書東夷流求國傳國居海島之中多圖鏤樹似橘而葉密條纖如髮然下垂。鏤郎豆龍珠二切

黃棘員葉

山海經中山經苦山其上有木焉名曰黃棘黃華而員葉其實如蘭服之不字

播移虛中

御覽九百六十木部林邑記曰播移樹柯下發根下垂虛中森羅望之似懸髮·移音移

交讓楠也

又九百五十八木部尋陽記曰黃金山有楠樹一年東邊榮西邊枯後年西邊榮東邊枯年年如此張華云交讓樹者是也無患拾櫨也

古今注問答釋義第八程雅問拾櫨木一名無患者昔有神巫名曰寶眊能符劾百鬼得鬼則以此爲棒殺之世人相傳以此

木爲衆鬼所畏競取爲器用以卻厭邪鬼故號曰無患也。櫨音盧

胥邪樓屬也。

〔文選上林賦〕留落胥邪。〔注〕郭璞曰胥邪似并閭皮可作索。南都賦作楮枒音胥邪注同

雞棲皁莢也

〔御覽〕九百六十木部廣志曰雞棲子皁莢也

甘棠杜梨也

〔毛詩〕草木鳥獸蟲魚疏蔽芾甘棠。甘棠今棠棣一名杜棣赤棠也與白棠同耳但子有赤白美惡子白色爲白棠甘棠也少酢滑美赤棠子澁而酢無味俗語云澁如杜是也赤棠木理韌亦可以作弓幹

榧。榧酢梨也。

〔御覽〕九百七十三果部。〔廣志〕曰榧。榧其子甚酢。出西方。〔按〕說文解字第六。榧果似梨而酢。从木盧聲。例加切。榧音蜺。

木威。苦果也。

〔又〕九百七十四果部。〔顧微〕廣州記曰木威。黃皮其味殊苦。又曰木威高丈餘。子如橄欖而堅。削去皮以爲粽。又見下餘甘子注。宜母。黎朦。酢果也。

〔桂海虞衡志〕果志。黎朦子如大梅。復似小橘。味極酸。〔廣東通

志〕九十五物產二果類。黎朦子又名宜濛子。又名宜母。果似橙而小二。三月黃色。味極酸。婦人懷妊不安。食之良。故有宜母之名。〔原注〕舟車聞見錄。朦音濛。

枳。枳餒果也。

古今注草木第六枳椇子一名樹蜜一名木餠實形拳曲花
實外味甜美如餠蜜。紙矩二音

枸椽香果也。

椽當作緣嶺表錄異卷中枸椽子形如瓜皮似橙而金色故人
重之愛其香氣。枸音苟又鉤矩二音椽音緣余專切
倒捻都念甘果也。

又同上倒捻子窠叢不大葉如苦李花似蜀葵小而深紫南中
婦女得以染色有子如軟柿頭上有四葉如柿蒂食者必捻其
蒂故謂之倒捻子或呼爲都捻子蓋語訛也其子外紫內赤無
核食之甜軟甚煖腹兼益肌肉御覽九百六十一木部杜寶
大業拾遺錄曰十二年四月南海郡送都念子樹一百株敕付
西苑十六院內種此樹高一丈許葉如白楊枝柯長細花金色

花葉正赤似蜀葵而大其子小於柿子甘酸至美蜜漬爲粽盆佳

平仲銀實帝屋赤實君遷匏實毗野楮實羅望刀實

〔文選吳都賦〕平仲君遷〔劉淵林注〕劉成曰平仲之木實白如銀君遷之樹子如瓠形

〔山海經中山經〕講山有木焉名曰帝屋

葉狀如椒反傷赤實可以禦凶〔注〕反傷刺下勾也

〔隋書南蠻

真臘國傳〕毗野樹花似木瓜葉似杏實似楮

〔桂海虞衡志〕果

〔志〕羅望子殼長數寸如肥皂又如刀豆色正丹內有二三實煨

食甘美

古度不華而實子從皮出

〔文選吳都賦〕松梓古度〔劉淵林注〕古度樹也不華而實子皆從

皮中出大如安石榴初時可煮食也廣州有之〔御覽〕九百六十

木部裴淵廣州記曰古度葉如栗无華枝柯皮中生子子似櫨而酢煮以爲粽數日不煮化爲飛蟻

如何之實隨刀易味

神異經南荒經南方大荒有樹焉名曰如何三百歲作華九百歲作實金刀剖之則酸蘆刀剖之則辛御覽九百六十一木部顧凱之啟蒙記曰如何隨刀而改味

餘甘之子如彈丸其核五稜東枝爲木威南枝爲橄欖

御覽九百七十三果部吳錄地理志曰高凉安寧縣有餘甘初食之味苦後口中更甘臨海異物志曰餘甘子出晉安侯官界中餘甘橄欖同一果耳又雲南記曰瀘水南岸有餘甘子樹子如彈丸許色微黃味酸苦核有五稜其樹枝如柘枝葉如小夜合葉西陽雜俎續集卷九橄欖子獨根樹東向枝曰木威南

向枝曰橄欖。

羅晃之子如橄欖其皮七出一

桂海虞衡志果志羅晃子如橄欖其皮七重

娑羅之子若椒

御覽九百六十一木部魏王花木志曰娑羅樹細葉子似椒味如羅勒嶺北人呼爲大娑羅

都諦之子若榴

桂海虞衡志果志部諦子色黃如大石榴按部諦此作都諦疑字形相近而譌庶物異名疏果部引此文都亦作部

石南之子如燕卵

御覽九百六十一木部魏王花木志曰南方記石南樹野生二月花仍連着實實如燕子八月熟民採之取核乾取皮作魚羹

和之尤美出九真

庵羅之子如李

〔隋書南蠻真臘國傳〕菴羅樹花葉似棗實似李。庵一作菴同
蘿蒙之子若橙

〔桂海虞衡志果志〕蘿蒙子黃如大橙柚

雒常之皮可衣

〔山海經海外西經肅慎之國有樹名曰雄常〕先八代帝於此取
之〔注〕雄或作雒又〔注〕其俗無衣服中國有聖帝代立者則此木
生皮可衣也

吉貝之花可績

〔通考三百三十一四裔四〕林邑國出瑇瑁貝齒吉貝沉水香吉
貝者樹名也其華成時如鵝毛抽以績紡作布潔白與紵布不

殊亦染成五色織爲斑布也

帝休蠲忿文莖已聾稗苳宜子

山海經中山經少室之山其上有木焉其名曰帝休葉狀如楊其枝五衢黃華黑實服者不怒文莖稗苳竝見上小果注

木麥桑耳也

經史證類大本草木部中品桑耳一名桑菌一名木麥注蜀本麥作浚詮荀切

梟景桃鳧也

又果部下品桃鳧一名桃奴一名梟景是實著樹不落實中者正月採之

宛童寄屏寄生也

爾雅釋木寓木宛童注寄生樹一名蔦正義小雅頍弁云蔦與

女蘿引陸璣疏云蔦一名寄生葉似當盧子如覆盆子赤黑甜
美按方言云寓寄也寄附於大木而生故謂之寓木廣雅云宛
童寄生檇也又云寄屏寄生也廣異名也今寄生多於桑上本
草云桑上寄生一名寄屑一名寓木一名宛童

齊啣齊匱也子似楊桃可以壓油產拂林國

啣當作噉匱當作廬西陽雜俎卷十八齊噉樹出波斯國亦出
拂林國拂林呼爲齊廬樹長二三丈皮青白花似柚極芳香子
似楊桃五月熟西域人壓爲油以煮餅菓如中國之用巨勝也

・廬音湯兮反

阿綫沒樹也槐葉而橘花產波斯國

又同上沒樹出波斯國拂林呼爲阿綫長一丈許皮青白色葉
似槐葉而長花似橘花而大子黑色大如山茱萸其味酸甜可

食・槎楚宜蘇可二切庶物異名疏木部引作槎注音陞

租稼樞高千丈其葉七尺其實九尺產東荒

租當作杻神異經南荒經南方大荒之中有樹焉名曰杻稼樞
杻者杻梨也稼者株稼也樞親暱也三千歲作華九千歲作實
其華蕊紫色其實赤色其高百丈或千丈也敷張自輔東西南
北方枝各近五十丈葉長七尺廣五尺色如綠青木皮如梓樹
理如甘草味飴實長九尺圍如其長而無瓢核以竹刀剖之如
凝蜜得食復見實卽滅矣按此據今本東荒作南荒太平廣記
四百十引作東荒與駢雅文合杻側加切樞音匿
綺縞之樹高三千丈實如寒瓜食之冥醉產東南荒

太平廣記四百十草木東南荒中有邪木焉高三千丈或十餘
圍或七八尺其枝有喬直上不可卹也又云子形如寒瓜又云

若取子而留萼萼復生子如初年月復成熟復二年則成萼則復生子其子形如甘藟少親甘美食之令人身澤不可過三升令人冥醉半日乃醒木高人取不得唯木下有多羅之人緣能得之一名無葉世人後生不見葉謂之無葉也一名綺縞人見無葉謂之綺縞出神異經按今本神異經綺縞作倚驕張茂先注云驕謂直上不可那也

底櫚阿驛也無花而實產拂林國

〔酉陽雜俎卷十八〕阿驛波斯國呼爲阿駟拂林呼爲底櫚樹長丈四五枝葉繁茂葉有五出似棹麻無花而實實赤色類棹子味似甘柿一月一熟櫚乃里切又弭彌二音按底櫚原作底珍據太平廣記四百十一引改

玉樹似槐而細葉

太平廣記四百六草木雲陽縣累多漢離宮故地有樹似槐而
葉細土人謂之玉樹原注出國史纂異按三輔黃圖二甘泉宮
一曰雲陽宮甘泉谷北岸有槐樹今謂玉樹楊震闕輔古語云
耆老相傳咸以謂此樹卽揚雄甘泉賦所謂玉樹青葱也亦見
御覽九百六十一木部通雅四十四植物類文不備錄
檿榼似檀而細葉

爾雅釋木醜榼榼注醜大木細葉似檀今河東多有之齊人諺
曰上山斫檀檿榼先殫釋文檿兮計反又音奚榼許兮反本亦
作醜

騷雅卷六訓纂十三終